

INUIT ATAQATIGIIT

Inatsisartuni



26. januar 2021

Inatsisartut Suleriaasianni § 37, imm. 1 naapertorlugu apeqqutit uku Naalakkersuisunut saqqummiuppakka:

Naalakkersuisunut apeqqutit:

1. Kuannersuit pillugit VVM-mik VSB-millu nalunaarusiat qanga Naalakkersuisunit tiguneqarpat?
2. Kikkut tamarmik tusarniaanernut peqataasinnaavissortut Naalakkersuisut isumaqarpat?
3. Ataatsigut atsiortunga ippassaq, ulloq 22. januar 2020, kommunimi sulisumit sumi tusarniaanermut atortussiat nassaarineqarsinnaanerit pillugu aperineqarnera Naalakkersuisut qanoq isumaqarfigaat?
4. Tusarniaanerni emaili nalunaarsorsimasoq mlsa@nanaoq.gl tusarniaanernut akissutinut emailimik nassiussivissaava eqqortoq?
 - a. Taamaanngippat, adresse eqqortoq suna akissutinik nassitsivissaava?
5. emaili akissuteqarfissaq kukkusuppat, quppernermi emaili kukkusup ikkunneqarsimanera pissutigalugu tusarniaanernit kinguartinnissaannut Naalakkersuisut piumassuseqarpat?
 - a. Taamaanngippat, sooq suliami pingaarutilimmi Kuannersuartut ittumi kinguartitsinissaq kissaatigineqanngila?
6. Sooq tusarniaanerni taamak pingaaruteqartigisumi pipallattoqarpa, allaat emailadresse eqqortuunngitsoq allanneqarluni?
7. Kuannersuarni suliniutip ilungersunassusaa Naalakkersuisut paasinngilaat?
8. Kukkuneq utoqqatitsissutigineqalersaarpa, taamaalillunilu Naalakkersuisut kukkussuteqarsimanerat pissutigalugu tusarniaanernit kinguartinneqalersaarpat?
9. Kukkunerit taamaattut siunissami peqqissinnaanerit ingalassimatinniarlugu, Naalakkersuisut qanoq pitsanngorsaalersaarpat?
10. Moriusami aatsitassarsiorfiliornissap Kuannersuarnilu aatsitassarsiorfiliornissap suna assigiissutigaa?

(Inatsisartunut ilaasortaq Mariane Paviasen, Inuit Ataqatigiit)

Tungavilersuut:

Innuttaasut Kuannersuarni aatsitassarsiornermik suliniut pillugu qisuariaataat Naalakkersuisut malugisimagunikkit, innuttaasunullu sullissillutik, Naalakkersuisut tusarniaanernik kinguartitsisariaqarput.

Kuannersuit pillugit tusarniaanerni quppernermi emailadressip kukkusup allanneqarsimanera akuersarneqarsinnaanngilluinnarpoq, taannami inuiaqatigiinnut silarsuarmullu avatangiisitsinnut pingaaruteqarluinnartuuvoq.

Innuttaasut Kuannersuarni suliniummik qanoq ilungersunartigisutut isiginninnerat Naalackersuisut paasisinnaagunikku, minnerpaamik tusarniaanerit kukkussutiminnut utoqqatsitsissutitut kinguartariaqarpaat. Inuit tusarniaanermi akissutiminnik iluatsinngitsumik emailadressimut nassitsiniarsinnaanerat pilluarsinnaavoq.

Apeqqutima ullut suliffiusut qulit qaangiutinnginneranni akineqarnissaat kissaatigaara.